


## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

## გლუნჩაძე ნაირა ვახტანგის ასული



გლუნჩაძე ნაირა ვახტანგის ასული (დ. 30. III. 1955, თბილისი), მომღერალი (სოპრანო). ტულუზის (საფრანგეთი) საერთაშ. კონკურსის დიპლომანტი (1987), ბუსეტოს (იტალია) „ვერდის ხმების“ საერთაშ. კონკურსის ლაურეატი (1992, I პრემია).

გლუნჩაძე ნაირა ვახტანგის ასული  
„ევგენი ონეგინი“.

1981 დაამთავრა თბილ. ვ. სარაჯიშვილის სახ. სახელმწ. კონსერვატორია (პროფ. გ. ქართველიშვილის კლასი). ამავე წელს ჩაირიცხა ბ. ფალიაშვილის სახ. თბილ. ოპერისა და ბალეტის ეროვნ. თეატრის დასმი და გახდა წამყვანი სოლისტი. ასრულებდა ქართ. და უცხ. ოპერების მთ. პარტიებს: მარო და მარიხი (ბ. ფალიაშვილის „დაისი“, „აბესალომ და ეთერი“), ვიოლეტა და დებდემონა (ჭ. ვერდის „ტრავიატა“, „ოტელო“), ცერლინა (ვ. ა. მოცარტის „დონ ჟუანი“), მარგარიტა (შ. გუნოს „ფაუსტი“), ტატიანა (პ. ჩაიკოვსკის „ევგენი ონეგინი“), ალინა (გ. დონიცეტის „სიყვარულის ნექტარი“), მიმი და ლაურეტა (ჭ. პუჩინის „ბოპემა“, „ჭანი სკიკი“), ლეილა (უ. ბიზეს „მარგალიტის მაძიებლები“), ლუიზა და პრინცესა ნინეტა (ს. პროკოფიევის „დუენია“, „სამი ფორთოხლის სიყვარული“) და სხვ.

გ-ის შესრულებისათვის დამახასიათებელია ნატიფი ლირიზმი, დახვეწილი გამომსახველობითი საშუალებები. ეწევა საკონცერტო მოღვაწეობას კამერული რეპერტუარით. გასტროლები გამართა საზღვარგარეთის მრავალ ქვეყანაში (საფრანგეთი, ავსტრია, გერმანია, იტალია, შვეიცარია).

1992-იდან მოღვაწეობს გერმანიაში.

---